

իրենց նիւթական միջոցներով և ունեւր էլ իրենց բարոյական օգնութեամբ կիրադործեն այս խիստ ցանկալի գաղափարը, Հայաստանում ունենալու մի Հայկական կենդրոնական դրամատուն իւր բաժանմունքներով:

Բ. Վ. Ա.

ԱԽԵՏԻՍ ԲԱԼԱՅԵԱՆ ՂՈՒԿԱՍԵԱՆԻ ԿՏԱԿԸ

Թիֆլիսաբնակ Շուշեցի Աւետիս Բալայեանը, առաջի կարգի վաճառական, 1901 թ. դեկտեմբերի 19-ին Թիֆլիսի նօտար Լ. Մդէբրեանցի մօտ կտակ է անում և որը մահից յետոյ Թիֆլիսի Շրջանային Կատարանը հաստատում է 1903 թ. մարտի 19-ին: Այդ կտակով Աւետիս Գուկասեանը հետեւեալն է տնօրէնում. Ա. Ս. Էջմիածնի Մայր Աթոռին նշանակում է երեսուն հազար ռուբլի այն պայմանով, որ այդ գումարը մնայ անձեռնամխելի, իսկ $\frac{0}{100}$ $\frac{0}{100}$ ներով բարձրագոյն ուսումնս ստանան Էջմիածնի Ճեմարանն աւարտած հայ լուսաւորչական դաւանները, իսկ Ճեմարանի փակման դէպքում, ուսումնս ստանան հայ լուսաւորչական դաւաններից նորա, որոնք ցանկանում են իրենց նուիրել հոգևոր ծառայութեան Կովկասի, Տաճկաստանի և Պարսկաստանի սահմաններում, պայմանով որ այդ որդեգիրները հոգևոր աստիճան ընդունելով՝ զնան արտասահման սովորելու հայկական և ասսորւածարանական գիտութիւններ: Որդեգիրներ պէտք է ընդունուեն այն անձինք, որոնք պատկանում են հայ-լուսաւորչական դաւանութեան և որոնք կրիստոսանան ծառայել հայոց եկեղեցուն և ժողովրդին: Իւր այս կարգադրութեան կատարումն յանձնում է ամենայն Հայոց Վեհափառ Կաթողիկոսին հոգևոր Ճեմարանի վարչութեան հետ միասին, իսկ վերջինիս գոյութիւն չունենալու դէպքում՝ միայն Վեհափառ Կաթողիկոսին:

Բ. Հայոց Էջմիածնի Մայր Աթոռի վանքին նշանակում է երեսուն հազար ռուբլի Այդ գումարը պէտք է

մնայ անձեռնմխելի, իսկ $\frac{0}{0} \frac{0}{0}$ -ով ուսումնական տարածական լուսաւորչական դասանութեան պատկանող գաւազներ, բաց միայն նպատակով կատարելագործուելու զանազան գիտութիւններէ մէջ: Իւր այս կարգադրութեան գործադրութիւնը յանձնում է ամենայն Հայոց Վեհափառ Կաթողիկոսին և էջմիածնի ճեմարանի վարչութեան, եթէ վերջինս գոյութիւն կ'ունենայ:

Գ. Տփլիսի վանքի Մ. եկեղեցու գաւթում իւր շինած թանգարանին 10,000 ռ. այն պայմանով, որ այդ գրամազուխը մնայ անձեռնմխելի, իսկ $\frac{0}{0} \frac{0}{0}$ -ը գործադրուեն շարունակելու իւր հիմնած գրականական մրցանակ (պրեմիա) այն կանոններով՝ որ մշակել է յիշեալ թանգարանի վարչութիւնը, և հաստատել է ամենայն Հայոց Կաթողիկոսը առանձին կոնդակով: Մրցանակը պէտքէ տրուի ամեն տարի ապրիլի 7-ին այն շինութեան մէջ, որ կառուցել է ինքը Տփլիսի վանքի եկեղեցու գաւթում: Այն դէպքում, եթէ Տփլիսի վանքի եկեղեցու թանգարանը որ և է պատճառով կրգադարի գոյութիւն ունենալուց՝ մրցանակը տրուելու է ամենայն Հայոց Վեհափառ Կաթողիկոսի անմիջական կարգադրութեամբ:

Դ. Նոյն թանգարանին տալիս է 5000 ռուբլի այն պայմանով, որ $\frac{0}{0} \frac{0}{0}$ -ը գործադրուեն թանգարանի վարչութեան պահպանութեան վրայ, թանգարանի փակման դէպքում գրամազուխն անցնում է Վեհափառ Կաթողիկոսին, իրարեհայեցողութիւն: Ե. Թաւրիզի հայոց դպրոցներին՝ 10,000 ռուբլի, այն պայմանով, որ գրամազուխը մնայ անձեռնմխելի, իսկ տոկոսներով ուսանեն թոշակաւորներ իւր անունով: Զ. Ամենայն Հայոց Կաթողիկոսին՝ 5000 ռուբլի իրարեհայեցողութիւն: Է. Երուսաղէմի Հայոց ս. Յակոբայ վանքին՝ 5000 ռուբլի: Ը. Տփլիսի վանքի եկեղեցու գաւթի թանգարանին՝ 6000 ռ. այն պայմանով, որ գրամազուխի $\frac{0}{0} \frac{0}{0}$ -ով ամեն տարի 3 չքաւոր հայ-լուսաւորչական աղջկայ տրուի օժիտ: Թ. Նոյն թանգարանին՝ 4000 ռուբլի. այն պայմանով, որ գրամազուխի $\frac{0}{0} \frac{0}{0}$ -ը ամեն տարի ապրիլի 7-ին, իւր յիշատակի համար հոգեհանգիստ կատարելուց

յետոյ, տրուեն աղքատներին: Ինչպէս այս գումարը, նոյնպէս և Ը. կէտում յիշած 6000 ռ. թանգարանի փակման դէպքում անցնում են Վրաստանի Հայոց կոնսիստորիային նոյն նպատակով: Ժ. Իւր խոստովանահայր Գիւտ աւագ քահանայ Աղանեանին 6000 ռ. որպէս զի նա, իսկ նորա մահից յետոյ նորա ժառանգները, տոկոսները գործադրեն Աղանեանի երկասիրութիւնների հրատարակութեան համար: ԺԱ. Տփիսիսի վանքի Մ. եկեղեցու միաբանութեան՝ 2000 ռուբլի, այն պայմանով, որ միաբանութիւնը ստանայ ամեն տարի տոկոսները, և ամեն տարի ապրիլի 7-ին կատարէ հոգեհանգիստ իւր գերեզմանի վրայ:

Այդ բոլոր գումարները տալուց յետոյ, իւր բոլոր շարժական և անշարժ կայքից իւր կին Աննա Ղուկասեանը ստանալու է իւր օրինական մասը, իսկ այնուհետև իւր միւս բոլոր ստացուածքը կտակում է իւր աղջիկ Թամարա Աւետիսեան Ղուկասեանցին ի լրակատար սեպհականութիւն: Եթէ վերջինս կը վախճանուի առանց ամուսնանալու՝ նորան հասանելի բոլոր դրամագլուխը պէտք է գործադրուի հիմնելու և պահպանելու մի բարձրագոյն դպրոց «Ղուկասեան Հայկական Ճեմարան» անունով, Տաճկահայաստանի քաղաքներից մէկում կամ որտեղ աւելի յարմար կը համարեն Ամենայն Հայոց Կաթողիկոսը և Պօլսի Հայոց Պատրիարքը, առանձին կանոններով, որ իւր ժամանակին մշակուելու և հաստատուելու են Կաթողիկոսի կողմից»:

Կտակի մէջ յիշատակած $30,000 + 30,000 = 60,000$ ռուբլին, որ կտակուած է էջմիածնի վանքին, կտակի մէջ յիշատակած նպատակին գործադրելու, դրուած է պետական դրամատուն էջմիածնի Սինօգի անունով և գործադրում է իւր նպատակին:

Վախճանուել են արդէն կտակարարի այրի կին Աննա Ղուկասեան և միակ ժառանգ դուստր Թամարա Ղուկասեան (չամուսնացած): Ըստ որում կտակի զօրութեամբ Ղուկասեանից ֆնացած ամբողջ կարողութիւնը պէտք է գործադրուեն բաց անելու Ղուկասեան Ճեմարանը:

Թամարա Ղուկասեանի մահից (1911 թ.) յետոյ առաջ է գալիս վէճ Ղուկասեանի ժառանգների կողմից կտակի իրաւաբանական մի երկբայութեան պատճառով, որով ցանկանում էին ոչնչացնել կտակը, բայց 65 հազար ռուբլի տրուելով ժառանգներին՝ դատաստանական գործը վերջացնում են հաշտութեամբ և կտակը մնում է իւր գործութեան մէջ:

Հանգուցեալ Ա. Ղուկասեանի կտակակատարներն են իւր կին Աննա Ղուկասեանը (վախճանուած), Պօղոս Յովսէփեան Ղուկասեան և աներոջ որդի Մնացական Յովհաննիսեան Սունունց: Կտակի ճիշտ գործադրութեան և դումարների պահպանութեան ամբողջ հոգացողութիւնը կատարում էր պ. Մնացական Սունունցը, քանի որ պ. Պօղոս Ղուկասեանը մշտական ապրում է Պետերբուրգում: Նորին Վեհափառութիւն Տ. Տ. Գէորգ Ե-րդ Կաթողիկոսն դեռ ևս իւր Տեղապահութեան օրից 1911 թ. ամեն կերպ աշխատել է հսկել կտակի ճիշտ գործադրութեան վրայ: Վերջին ժամանակները՝ Թամարա Ղուկասեանի մահից (1911 թ.) յետոյ դատաստանական վէճի պատճառով գործը ձգձգուեց, իսկ երբ հաշտութեամբ վերջացաւ վէճը Ղուկասեան ժառանգների հետ՝ Վեհափառն բարեհաճեց Թիֆլիսում նշանակել յատուկ յանձնաժողով ներկայ թուի ապրիլ ամսին Աւետիք Ղուկասեանի կտակակատարներից ժառանգութիւնը ընդունելու համար յանձինս Թիֆլիսի թեմակալ առաջնորդ Տ. Մեսրոպ Եպիսկոպոսի, Սինօղի անդամ Տ. Մատթէոս Եպիսկոպոսի և երդուեալ հաւատարմաւոր պ. Սամսոն Յարութիւնեանի: Կտակակատար պ. Մնացական Սունունցը կանոնաւոր հաշուապահութեամբ պահած հաշիւներն առանձին արձանագրութիւններով յանձնում է Վեհափառի ներկայացուցիչներին և Տ. Մատթէոս Եպիսկոպոսն վերադառնալով ս. էջմիածին՝ Չ մայիսի յայտարարութեամբ ներկայացնում է Աւետիք Ղուկասեանի ամբողջ կարողութեան մանրամասն հաշիւը իրեն յանձնուած արժէթղթերով և բանկային գրքերով: Այստեղ բերում ենք Տ. Մատթէոս Եպիսկոպոսի յայտարարութեան հաշուի պատկերը պարզ

գաղափար տալու համար հայ հասարակութեան հանգուցեալի թողած կարողութեան մասին յօդուտ տալագայ Ղուկասեան ձեմարանի:

«Կտակակատար պ. Մնացական Թունունցը իւր մօտ գտնուած հողիւնները կազմել էր մինչև ներկայ տարուայ ապրիլի 15-ը՝ որի պատկերն հետեւեալն է՝

1. Մի տուն Միքայէլեան պողոտայի վրայ արժողութեամբ . . . 4.
Թեամբ 100000 —
2. Ազովո-Դոնեան գրամատանը մի տարով պահ տուած
№ 49347 տոմսով 25000 —
» » » » № 49348 50000 —
» » » » № 49349 10000 —
3. Ղօլժակի-Կամակի գրամատ. մի տարով պահ տուած
№ 94160 150000 —
4. Ընթացիկ հաշուով Տփլիսի փոխադարձ վարկի
ընկերութեան գրամատանը № 100903 գրքոյկով . . . 1866 31
Ղօլժակի-Կամակի գրամատ. № 62253 գրքոյկով . . . 2420 70
Տփլիսի առևարական գրամատ. № 72112 » . . . 2083 77
Ազովո-Դոնեան գրամատանը № 4698536 գրքոյկով . . . 7522 32
Ս. Պետերբուրգի Միջազգային գրամատան Բագուի
ճիւղում № 1471 գրքոյկով 556 23
5. Խաղարկութեան տոմսեր 1 փոխ. 15 հատ, հատը
470 ա. հաշուով 7050 —
» » II » 15 » 370 . . . 5550 —
» » III » 13 » 270 . . . 3510 —
6. 50/0-աբեր գրաւաթղթեր Տփլիսի աղնուականաց
բանկի 51 հատ իւրաք. 1000 ա. արժողութեամբ,
բայց հաշուած է իւրաքանչիւրը ընթացիկ հաշ-
ուով 900 ա. 45900 —
14 հատ 500 ա. արժ. ընթ. հաշուով իւրաք. 450 ա. 6300 —
24 հատ 100 ա. » » » » 90 ա. 2160 —
7. Բագուի մեքենայաշինութեան ընկերութեան մի
ակցիա խակական արժողութիւնը 2500 ա., բայց
գնահատուած է 1500 —
8. 10 մուրհակներով անյոյս ստանալիքներ . . . 55739 75
9. Ազովո-Դոնեան բանկում պահ տուած 85000 ա.
0/0 սկսած 1913 թ. նոյեմբ. 22-ից մինչև 1914 թ.
յունի. 1-ը (որ ֆուլմ է բանկի վրայ) 303 93
10. Տփլիսի գատաստանական պալատի անուամբ դե-
պոզիտ դրուած Տփլիսի պետական գանձարանում

№ 13732 անգորբադրով	16385	60
11. Տփլիսի առևտրական բանկում հանգուցեալների թանկարժէք իրերը երկու արկղների № № 18 և 322 գնահատութիւնը	2000	—
12. Կտակակատար Մ. Խունունցի մօտ առձեռն դրամ	372	01
Ընդամենը	496220	62

Ուրեմն առ 15 ապրիլի 1914 թ. կտակակատար պ. Մնացական Խունունցը պէտք է ներկայացնէր ծախքերից դուրս հանգուցեալ Աւետիք, Աննա և Թամարա Ղուկասեաններին ամբողջ կարողութիւնը արժողութեամբ չորս հարիւր իննսուն և վեց հազար երկու հարիւր քսան ռուբլի 62 կ. (496220 ռ, 62 կ.), սակայն, որովհետև հաշուետուութիւնը շարունակուեց մինչև սոյն տարուայ ապրիլի 26-ը, իսկ այդ ժամանակամիջոցում բանկերում ընթացիկ գումարները Ձերդ Վեհափառութեան անուան փոխանցելիս մի քանի բանկեր վճարեցին առ 26 ապրիլի 0/0 0/0-ը, առևտրական տանը պահ տուած արկղի իրերը գնահատուեց ըստ ցուցակի աւելի, քան հանգուցեալներն էին գնահատել, հանգուցեալների տան կահ-կարասիքը, որ մինչև այդ չէր գնահատուած, գնահատութեան ենթարկուեց, այլ և ստացողական-յանձնողական գործողութիւնները կատարելու համար տեղի ունեցան ծախքեր կտակակատար պ. Մ. Խունունցի ձեռքով, ուստի բնականաբար ց15 ապրիլի կազմած հաշիւը և դրա հետ միասին նաև 496220 ռ, 62 կ. դրամագլուխը ենթարկուեց փոփոխութեան ըստ այսմ.

1. Բանգում պահուած արկղները գնահատուած էին 2000 ռ., գնահատուեցին 3521 ռ. 03 կ. աւելի 1521 ռ. 03 կ.

2. Բանկերում ընթացիկ հաշուով դրած էր 14449 ռ, 33 կ. այժմ դրուած է 14597 ռ. 69 կ. աւելի 148 ռ. 36 կ.

3. Տան կահ-կարասիքները չէր գնահատուած այժմ գնահատուած է 5028 ռ.

Հետևաբար դրամագլուխը պիտի աւելանար այլ ևս 6697 ռ. 39 կ. բայց նոյն ժամանակամիջոցում եղել են կտակակատարի ձեռքով ծախքեր 335 ռ. 80 կ.

Ուստի առ 26 ապրիլի 1914 թ. դրամագլխի վրայ աւելացել է 6361 ռ. 59 կ. բացի այդ նաև Միջազգային

բանկում եղած 556 ռ. 23 կ. առ 26 ապրիլի $\frac{0}{10} \frac{0}{10}$ -ը 47 ռ. 38 կ., ընդամենն 6361 ռ. 59 + 47 ռ. 38 կ. = 6409 ռ. որն աւելացնելով առ 15 ապրիլի կազմած դրամագլխի վերայ առ 26 ապրիլի 1914 թ. կազմում է հինգ հարիւր երկու հազար վեց հարիւր քսան և ինն ռուբլի 62 կոպէկ (502629 ռուբլի 62 կոպ.) :

Այդ յիշեալ 502629 ռուբլի 62 կոպէկ դրամագլխը կազմուած է հետևեալ գումարներից՝

	Ռ.	Կ.
1. Տան արժողութիւնը	100000	—
2. Բանկերում տարով պահ տուած գումարներ	235000	—
3. Ընթացիկ հաշուով բանկերում դրուած	14597	69
4. Արժէթղթեր պահ տուած Ազովս-Դոնեան բանկում 70470 —		
5. Ակցիա Բագուի մեքենայաշինութեան ընկերութ.	1500	—
6. Անյոյս մուրհակներ	55739	75
7. Տփիսիսի պետական գանձարանի անդորրագիր	16385	60
8. 85000 ռուբլու ց1-ն յունուարի 1914 թ. $\frac{0}{10} \frac{0}{10}$		
(ապառիկ բանկի վրայ)	303	93
9. Հանգուցեալի ոսկեղէն և արծաթեղէն իրերը	3521	03
10. Հանգուցեալի տան կահ-կարասիքները	5028	—
և 11. Առ ձեռն գումար	83	62

Գումար 502629 62

Այսպիսով Ղուկասեան կտակի հաշիւները գործը միանգամայն պարզուեց, կտակակատարներն էլ իրենց բարոյական պարտքը կատարեցին: Մնում է ցանկալ մօտիկ ապագայում տեսնել հանգուցեալ ազգային մեծ բարերար Աւետիք Ղուկասեանի բարի կամքը իրագործուած, կառուցանելով Ղուկասեան-Ճեմարան գիտութեան տաճարը: Գործը մեծ է և երախտագիտութեան արժանի: Այժմ աւելի քան կարևոր է Տաճկաստանում հիմնել այդ լուսոյ տաճարը ու զարկ տալ մատաղ սերնդի լուսաւորութեան սուրբ գործին:

Բ. Վ. Ա.

Հանգուցեալ դերասան Պետրոս Աղամեանի իրերը

Սինօգոգում 1914 թ. ապրիլի 11-ին պ. Գրիգոր Զալ-խուշեանի միջոցաւ Նոր-Նախիջևանից ստացուել են հան-